

Ugovorne strane;

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencija broj: 16, koje zastupa ministar Admir Katica (u daljem tekstu Ugovorni organ) i

WOLF MEDIA d.o.o. Sarajevo, Kaptol 1, Sarajevo, ID broj: 4202807430005 koga zastupa direktor Lejla Mešanović (u daljem tekstu: Davalac usluge)

zaključili su:

UGOVOR O NABAVCI USLUGA ORGANIZACIJE I REALIZACIJE JAVNIH DOGAĐAJA I MANIFESTACIJA U 2026. GODINI

PREDMET UGOVORA

Član 1.

Predmet ugovora je nabavka usluga organizacije i realizacije javnih događaja i manifestacija u 2026. godini za potrebe Ministarstva unutrašnjih poslova Kantona Sarajevo.

Nabavka se odnosi na usluge organizacije manifestacije na otvorenom prostoru i uključuje obezbjeđenje bine (veličina i dimenzije shodno prostoru i broju gostiju), rasvjete, ozvučenja, montaže i demontaže, tonske probe, live-prenosa, video-zid, izradu vizuala, dekoraciju za binu (cvijeće), dodatne tehničke opreme, stručno i tehničko osoblje, stolica, pozivnica (dizajn i print) i keteringa. Kapacitet: za cca 200 osoba

Postupak nabavke je pokrenut na osnovu Odluke broj: broj: 04-1-11-4-2559/26 od 27.04.2026. godine, Obavještenja o nabavci usluge iz Ankesa II broj: 1364-9-2-6-22-44/26 od 29.04.2026. godine kao i Javnog poziva za dostavljanje ponuda u postupku nabavke usluga iz Aneksa II Zakona o javnim nabavkama.

Ugovor se zaključuje na osnovu ponude Davaoca usluge broj: PN 37/26 od 06.05.2026. godine koja čini sastavni dio ugovora.

CIJENA I ROK ISPORUKE

Član 2.

Vrijednost nabavke usluga iz člana 1. ovog Ugovora iznosi 18.600,00 KM bez PDV-a (osamnaesthiljadašeststotina i 00/100 KM).

USLOVI PLAĆANJA

Član 3.

Plaćanje za izvršene usluge je u roku od 30 dana nakon izvršenja usluge, dostavljanja fakture.

TRAJANJE UGOVORA

Član 4.

Ovaj Ugovor stupa na snagu danom obostranog potpisivanja ovlaštenih predstavnika, a traje do realizacije ugovorene vrijednosti, a najkasnije do 31.12.2026. godine.

Tačno vrijeme će biti utvrđeno od strane Ugovornog organa.

MJESTO IZVRŠENJA USLUGE

Član 5.

Mjesto izvršenja usluge će se utvrđivati po potrebi Ugovornog organa, a da će se detalji usluge dogovarati neposredno pred početak i u toku same realizacije događaja.

PRELAZNE ZAVRŠNE ODREDBE

Član 6.

Ukoliko poslije zauključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom. Višom silom mogu se smatrati poplave, zemljotresi, požari, politička zbivanja, imperativne odluke vlasti, bolest i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Davalac Usluge nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 8.

Sve eventualne nejasnoće nastale po ovom Ugovoru ugovorne strane će rješavati sporazumno. Ukoliko to nije moguće, za sve eventualne sporove nastale po ovom Ugovoru nadležan je sud u Sarajevu.

Član 9.

Ovaj ugovor sačinjen je u četiri istovjetna primjerka, od kojih svaka Ugovorna strana zadržava po dva primjerka.

DAVALAC USLUGE
WOLF MEDIA d.o.o. SARAJEVO

direktor, Lejla Mešanović

Broj: 53/26
Dana: 29.05.2026

